

靈寶領教濟度金書卷之四十

洞微高士開元救苦真人齊全真授

靈寶通玄弘教水南先生林靈真編

科儀立成品附度通用

誦諸品經儀

步虛

按人各恭敬

三皈依

志心皈依十方道寶當願眾生 同前

啓白

具位且恭謹焚寶香虔誠奏啓

太上元極大道虛無自然元始天尊妙无上
帝虛皇玉晨大道君妙有上帝萬變混沌玄
元老君至真大帝東極青玄老君運明保元
上帝太一救苦天尊九幽拔罪天尊十方分
身應化救苦天尊上元賜福天官大帝中元
赦罪地官大帝下元解厄水官大帝祖師正
一冲玄神化靜應顯佑真君上清玉趙二真
人天曹地府五嶽四瀆洞天福地十方三界
地水職司一切真靈聞元始開闢煥一元

之祖炁虛皇撫運宏三洞之靈光玉宇彰而
碧落垂芒金書煥而紫虛耀景度人道備十
迴鼓舞於慈風生神功成九轉油濡於德雨
九真煥北單之神力十華昭東極之慈光瓊
芡藏玄琅函演妙皆鳳羅龍翔之炁幽顯蒙
恩悉風纏雲絡之書存亡受福道既彰於靈
寶教斯煥於玄元若稽紫宮之藏期逾四萬
自開玄都之秘惠廓三千修諸陽則御景乘
晨演諸陰則開幽照夜無文不度有感斯通
今齋主伏為某事崇建某齋乞於齋次修誦
三洞諸品開度真經期仗神功下提靈籤
等疏淪五體澄深一心仰四極之科築稜稜
攝齊肅詠企三元之威儀棟棟縮衽謳歌步
虛韻協於雲笙梵唱聲和於風磬天華縹緲
鈞樂徘徊下通鬱絕之鄉上徹寥陽之境以
茲功德無邊資度亡故某人伏願金符煥耀
玉簡徊徨落滅惡根俾結節胞胎而披散斷
除報障掃身心口意以澄明北鄭削死炁之
名南上注生神之宇永辭有漏鬼官侍衛於
形魂升入無為魔王保迎於性識諸緣羅而

游宴登紫極以夷猶上超祖玄下覃孫子俱
拜恩於碧落悉受福於清微稽首皈依無極
大道

宿命讚 啓經

以今奉為某人轉誦三洞開度諸品具經黃
度亡故某人今當恭啓琅函肆揚瓊梵伏願
玉條逸響瓊彩流明清淨行萬二千闡經悟
入煩惱業百八十因懺滅除即俾亡故某性
地水清心天玉潔飛度五尸悟五蘊以皆空
上開八門蕩八識而無染高步黃華之野疑
其碧落之區親伴一根均超凌於幽夜世昌
七葉同鼓舞於朝陽幽明普洽於蒼恩動植
齊沾於德化稽首皈依平坐如法

平坐讚同前至結經

仰惟元極大道三境至尊十極高真三界聖
眾願垂鑒映同賜證明聞靈寶圍設大法
橋連生死岸希夷門出羣迷徑斷去來關實
虛元元聖之慈悲與混沌真尊之惠愛煥乎
瓊策妙矣璇圖德音遍燭於黃域仁澤俯提
於黑羽琅音朗徹開枯朽以發烟瑤韻照融

超形魂而御忝功加一切道冠三才凡切切
以皈依必昭昭而應感日向來奉為其人開
度某人演誦

三洞諸品寶經增若部悉以周圍莫不結志
同誠秉心一德開由演義聲聞五億之區執

卷吟玄響徹三千之域致萬真而遙唱感諸
天而下觀典禁衛嚴飛天密護幸試魔之辟

斥獲經法之周圍功德難量積祥可其伏願
亡故某耳聆妙韻心悟玄機一念不生耀驪

珠於滄海萬緣俱寂朗兔魄於青冥達生
化之機造有有無無之妙千究咸釋均游

無礙之寶林七祖同歡共入大乘之慧徑齋
主其五神恬淡二氣虛靈十八九不如意之

塵風清已往百千萬有稱心之慶雲擁方來
灑詩禮於芝庭樂琴書於蔗境公私泰定中

外咸寧稽首皈依開經讚詠

三閱經

聞經已後惟願衆生深入法門皈依信禮

聞經已後惟願衆生萬罪滂除善芽增長

聞經已後惟願衆生永斷執迷常皈正道

向來

禮諸品儀儀

步虛

按人各恭敬

三皈依

具位臣某謹焚香上啓

太上无極大道虛無自然元始天尊妙无上

帝虛皇玉晨大道君妙有上帝萬變混沌玄

元老君至真大帝東極青玄老君運明保元

上帝太乙救苦天尊九幽拔罪天尊十方分

身應化救苦天尊上元賜福府一品天官大

帝中元聖宥府二品赦罪地官大帝下元通

濟府三品解厄水官大帝祖師正一顯佑真

君上清王超二真人天曹地府五嶽四瀆洞

天福地十方三界地水職司一切真靈恭望

齊忱上達真規下臨幽薄前驅縹緲玄虛

之仗折旌後從翻翻辭碧落之班俯降靈壇

曲聆素悃臣聞女青玉律昭昭帝憲之嚴大

赤金糾赫赫天章之重十卷彰寶寶謝罪之

品百拜紀玄元檢過之編玉上太清言言

恭天地水府向消愆九幽發露以無私十

華誠陳而有耀皆上聖普慈悲之澤矜下愚

履刑憲之慈生也顯冥既奔趨而習舊死焉

首謝斯解脫以圖新大德充周小心激切以

今齋主某入意今當疏滄五體整肅一心三

沐三薰鋪陳丹笈一旬一禮感格玄穹龍篆

浮輝燁之光風鼎煥氤氳之景伏願亡故某

罪隨懺滅善遂悔生無拘留逼合之憂南宮

定籍有侍衛送迎之喜北府刊圖快樂道岸

之舟永策福鄉之駕蒙如丹禱允荷玄恩清

衆運誠依經朝禮

禮儀 禮畢再啓

具位臣某謹重誠上啓

三清上聖太乙救苦天尊十極真靈無鞅聖

衆臣聞天人應格之機如谷答響凡聖貫通

之妙若影隨形凡玄虛垂儀謝之文則黑單

從除愆之令既諧寬釋敢謝主維臣向來奉

為亡故某宣禮諸品實懺莫不檢制六情滄

疏十業攝身攝心攝口整束四非禮道禮經

禮師歸消萬過即使亡故某頓離地禁嘉沐

天光日耀冰山徑上青華之界風清定水即
登朱火之鄉衍慶雲仍流芳胤嗣為如上緣
志心稱念消愆滅罪天尊和不可思議功德

藏棺儀

立幕畢詣玄師前上香跪啓

具位臣姓某謹重誠上啓

太上三天扶教輔元大法天師正一冲玄神

化靜應願佑真君恭望

道慈俯垂省錄以今奉為其人修建其齋開

度亡故其人靈魂切見本家見停尸柩未經

殯埋恐塵穢之莫清曷其靈之能感蓋蓮科

法謹為奏聞欲望慈俯矜懇切頒宣三景

蕩穢符命差降九鳳破穢靈官即俾紛翳潛

藏入地萬丈內外洞徹密契三華扇靈景以

廓清通神光而容通臣無任虔切之至今有

表文謹當宣奏

宣表

表文數露淵黷昭明願垂有造之恩申錫無
垠之禱容臣運元會道招真致靈先緣穢氛
後迎仙仗見前清衆同念琅音

衆誦淨天地咒入靈幃飛灑以藏棺
符銷棺上棺四角焚符
法師存念如儀存畢三扣齒退

靈寶領教濟度金書卷之四十

正一天師清微弟子 洪百堅 製作
道教學術資訊網站

靈寶領教濟度金書卷之四十一

洞微高古開光救苦真人壽金真校

靈寶通玄弘教水南先生林靈真編

科儀立成品別度

真靈齋儀

步虛 燒香頌

各禮師存念如法

宣衛靈咒

五靈列位 煥鎮五方 始皇護魂 丹老衛形

皓靈侍魄 黑帝攝生 中央黃帝 統御萬真

元皇諸下 幽夜開光 罪消北府 名列南島

金籙定籍 玉宇除殃 朱陵鍊質 飛神太蒼

三官九府 无極神鄉 普受闡度 上生天堂

和輿道合真

鳴法鼓二十四通

无上三天玄元始三炁太上老君當召出臣

等身中三五功曹左官右官使者捧香驛龍

騎吏侍香金童傳言散華玉女五帝直符直

日香官使者各一人出出者嚴裝顯服冠帶

垂纓闌啓此間土地里域真官正神臣今入